




職方典第一千八十四卷

興化府部彙考五

興化府古蹟考

縣志

本府 莆田縣附郭

平海衛城在縣東九十里地名南嘯洪武二十年因倭患特命江夏侯周德興相度要害創立衛所建平海衛城遣興化衛指揮呂謙監築 莆禧所城在郡東南九十里洪武二十年江

夏侯周德興命指揮呂謙與平海衛同建

迎仙寨城在縣東北待賢里宋時已置巡檢司

城周圍一百五十丈廣一丈三尺垛三百有八窩鋪八門二各建樓其上

沖沁寨城在縣

東興福里

嵌頭寨城在縣東武盛里

青山寨城在縣東奉國里

吉了寨城在縣

東南新安里今廢

小嶼堡城在縣東南醴泉里洪武間有小嶼巡檢司城與迎仙諸寨并

建嘉靖十三年仙遊縣知縣蕭弘魯奏徙司於仙遊白隔嶺城隨圯

崎頭堡城在縣東奉

國里嘉靖三十九年倭寇猖獗鄉民吳文宗等具呈院司請自出貲築堡今圯

大洋寨城

在縣西廣業里東抵仙遊西至白沙南福清北永福地當要衝且在萬山中易伏奸徒萬曆十七年春菁寇曾廷邦等嘯聚爲亂無何就擒巡撫周案從知縣孫繼有之議疏請設大洋寨巡檢司十八年始築土城於大洋

宋軍治在郡城南舊興化衛署是也郡人陳仁壁爲正廳記正廳東有桂籍堂宋進士題名處小廳東有清心堂太守曹修古有夏日清心堂睡起詩天府鞫囚三節日霜臺待漏五更時薰風一覺清涼睡莫問浮名高與卑及太守徐師閔荔枝譜刻於壁紹興二十年有五色雀集於正廳榕木上芝產後圃麥秀兩岐太守陸渙更名三瑞堂通判廳在軍治西今舊察院行臺是也廣節指揮營在軍治東北宋設教閱廂軍今莆田縣治是也舊莆田縣治在城西南隅今興化府署是也貢院在府治東龍門下宋制

每三歲詔各郡舉進士乾道七年知軍何偁始議創於使者行部之舍卽此地也後以試員益衆又移南山廣化寺士病其遠淳熙二年姚康朝因行舍舊址斥而大之中有觀光堂選舉堂子城宋軍治諺城古稱衙城周圍二里餘覆以瓦

寧真門宋軍城東北門也宣和間建在

今兼濟橋南有石城尙存

共樂亭在州峯之巔郡登眺最勝處宣和六年太守廖剛改亭

爲臺後有岸幘軒又改爲後樂臺前有平遠亭又曰競秀隆興二年知軍劉韜榜其門曰芳菲

谷 望海亭在梅峯之上由共樂亭循城西偏數百步而至面勢豁然蒼莽無際正字方翥

爲之記 觀稼榭在薛公池前宋宣和間建 上林義齋在城東北三十里逸士黃閭建

以聚四方英俊立爲五規詳見子君僉傳 左丞雨右丞雨石在郡城烏石山東南一刻左

丞雨旁細字云至正癸卯夏秋不雨禾漸枯分省鄭啟率都鎮撫吳維賢從事官宋應福於七

月三日設壇請禱越三日大雨士民僉志甫等勒石以記一刻右丞雨旁細字云大德庚子春

耕乏雨行省右丞札刺立丁持節過莆議捐俸修廟學大雨隨至莆人咸喜曰此右丞公雨也

文學掾莊邦元請於郡官鑄茲岩石以志 一經書堂在城中東廂宋方萬與其友講經術

處朱子扁其堂曰一經 畫屏巷虎亭在城西左相傳黃湜繫騎虎停此陳鉞有晚過畫屏

巷詩 唐游洋鎮在興泰里萬山中唐時設鎮宋改爲興化縣皇慶中遷於廣業里湘溪明

正統間革 四覽亭在城外南二里下瞰永豐塘崇寧四年太守郭義建淳熙九年太守林

元仲以亭前隙地斥其半創林艾軒祠堂紹興二年太守趙彥勵重修 湖信亭在城東五

里熙寧橋之西宋知軍張讀建風靜波平壘山倒影於此

登瀛閣在望江里巖巔高閣層

軒下瞰大海唐宋時藉以稍障東方之缺後廢萬曆中尙書林堯俞建石塔五級於此

越

王臺在廣業里環山之巔築臺十餘層石礎猶存按王東越王郢弟餘善也據東越之地與郢相攻殺武帝遣兵討之餘善走竄身此山之下舊云越王無諸避地於此侍郎林光朝有登越王臺詩云千年嶺海共橫梁一帶風烟襍採樵

壽峯義齋在興化縣虎蹲岡天禧間方朝

議泳與其弟三禮洞以詩賦擅名築齋於此以來四方賢士如陳升之夏竦曾公亮皆不遠而至一夕有花七枝置几上以爲山神所獻也是歲七人俱應薦已而相踵登第

歐陽四門

故宅在北螺柯

江梅妃故宅在東華溝中有田如鵝胆田中有石一片至今相傳爲江梅

妃祖墳

蔡襄宅在郡南門蔡宅

唐甘露林在文賦里潘嶺之原孝子林攢廬墓處貞

元壬申二月四日甘露降於壘上松柏枝葉皆過粒如粳米日高不晞十一月十七日再降次年正月二十五日又降又有白鳥之祥詔旌其門明成祖御製詩二章

宋甘露林在維新

里壘公深濱村孝子郭義重廬墓處紹興九年五六月甘露降墓側柏木及廬門竹枝赫日當

空撒下如雨至十月加盛又烏鵲馴集巢於木上事聞詔旌其門明成祖御製詩二章 明

甘露山孝子周鳴鸞廬墓處在壺山頂蕉坑墓廬卽在墓程中牆址現存當時甘露屢降郡爲立坊曰甘露之禎山上有石碣曰甘露山 投盆灘在木蘭陂下神僧馮智日爲李長者授

築陂方略既定基卽投盆於江一以上覆一以下承而去須臾沙壅成灘潮勢稍障陂藉以成今灘尙存 溫泉在上杭頭宋進士林從世築陂于此不成石柱尙存 演嶼在奉谷里

宋少帝舟泊大峽江潯爲元兵所迫有白馬神忽演一嶼以蔽帝舟遂免石刻演嶼聖蹟四字尙存 仙人釣魚石在碧瀨溪東壁立數仞下瞰深潭石罅隱隱有蓑笠釣影在焉方正字

翥詩云瀨寒隱魚鼈廟古動龍蛇 舟痕石在江口趙真人昇嘗乘鐵舸至此今舟痕猶存

於石 聖石在府城南三十里余氏龍峯精舍上石高數丈多仙跡有祈雨聖石道場六字

胡山書堂梁陳間鄭露與弟莊淑讀書處 東風書堂唐黃滔讀書處與鄭露書室相鄰

澄渚書堂在城東北十五里澄渚西南隅唐林蘊所建也初蘊與兄藻自北螺村來此買地作書堂誓志業文凡十年藻舉進士蘊擢明經時有歐陽詹獨步蘊藻橫行之諺云自是莆人相

繼登第殆無虛歲前志云莆人讀書自鄭露始科第自藻蘊始蘊終其從子攢孝又爲莆善俗之始 北岩精舍在城西三里唐陳嶠許龜圖黃彥修同讀書於此 福平書堂在城北

十五里北平山下唐歐陽詹讀書處

東井書堂在城東二十里宋林回年延林光朝講學

處有拜經堂地名紅泉今書院是也

蒲弄草堂艾軒讀書處所云走金山得蒲弄一席地

是也

鄭氏書堂在維新里木蘭溪旁宋國子監簿鄭耕老讀書處有詩云開懷溪一曲養

拙屋三間

仰止堂在白湖南對壺公陳正獻嘗館朱子於此俾子弟受學焉後正獻子宓

取高山仰止之義以名其堂邑人黃績復與同志十餘人從宓學於此而南關東湖書堂則績

與同志聚講處也

鄭樵宅在廣業里下溪門前有日月井

夾漈草堂在廣業里宋鄭

樵著書處也樵嘗自題云斯堂也本幽泉怪石長松修竹榛橡所叢會與時風夜雨輕烟浮雲

飛禽走獸樵薪所往來之地溪西之民於其間爲堂三間覆茅以居詩云堂前拖柴堂上燒柴

門終日似無聊蓼蟲不解知辛苦松鶴何能慰寂寥述作還驚心力盡哦吟早覺鬢毛彫布衣

蔬食隨天性休訝巢由不見堯附鄭僑題夾漈草堂詩杪秋尋遠山幽懷鬱冲冲草堂跨層崖

夕陽山影空高人辭天祿結交杖藜翁遊氣暗九土歲晚余曷從洽洽夾潌水謾謾長松風思之不可見淚落秋雲中

溪東草堂鄭厚讀書處鄭樵有題溪東草堂詩春融天氣落微微藥草葱芽脉脉肥植竹舊竿從茂謝栽桃新樹忽芳菲天寒堂上燃柴火日暖溪東解虱衣興動便從山上去人生真性莫教違

郭滄洲舊隱在壺山白雲院後

使華亭在城北五

里古名延壽亭舊驛路也

仙篆石陳巖山有仙篆石面平如削文縱橫若篆籀方正字翬

詩有云蟲文鳥篆不可識如讀响樓神禹碑

胡洞在壺山絕頂之西胡公修煉處有石洞

二間壁上有泉可供數人洞門外圍石牆可一丈許古蹟俱存人跡罕到

雲莊林貞肅先

墓有石碣文徵明八分書精絕

從吾亭在寶溪彭尙書韶墓左正德元年十月知府陳效

有詩并序

濯纓亭在國清塘上朱文公書濯纓亭及天光雲影二匾

蓮峯紫雲巖在

九華山今廢方樸有同壺山真率會二十二人遊蓮峯紫雲巖記

林光朝故宅在五侯山

下長城故基俱已無存

劉孝子閔廬墓處在斗南東山

仙遊縣

雞子城在縣東咸平里雞子城山上其城舊傳越王所築遺址猶存 蛇灣城在縣東折桂

里俗號爲越王城 廢興化縣在縣東北游洋鎮宋於此立興化軍興化縣後遷軍治於莆

田明正統十三年廢縣入莆田仙遊二縣 蔡端明故居在縣內宋蔡襄官至端明殿學士

人因稱之王十朋詩懷章南過蔡公鄉駐馬遙瞻數仞牆又云四賢詩出人增氣三諫章成國

有光 六經閣在文廟之後 湖山書堂在鳳凰山麓梁時邑儒鄭露居此又府城東十

五里有林蘊書堂唐邑人林蘊與兄藻讀書處 歐陽詹書堂在福平山唐歐陽詹與林蘊

兄弟肄業於此又府城東南二十里有稟井書堂宋林光朝讀書之所 共樂堂在州峯之

巔爲城中登眺勝處宋蔡襄詩層巒高與赤霄通節歲歡娛衆庶同庭有美音非獨樂會當炎

暑自多風 九仙館卽唐迎賓亭舊址宋重建曰九仙館亦名十州亭 迎春亭唐迎賓

亭宋十洲亭故址 思恩堂在東郊南 拱筆亭在貂峯麓吳尙玉建下有塘數畝盛夏

蓮開香聞十里兩岸榕柳木棉垂陰可人內蒸雲閣石英亭九石居一撮齋皆其勝景也

龍首亭在龍華市明景泰二年僧積修建旁有榕樹神竊人名中大魁俗呼狀元榕此也

大濟亭在大圳嶽廟前宋紹興中建明嘉靖中燬於倭隆慶二年里人方畏所重建

皇清順治十年又燬於火

復古亭明正德間上舍陳景賢建

西園草亭在鼓峯山下去縣

二十里

亦沂亭在雙林書院前茅廷韶重建

大嶺亭明洪武元年建正德間鄭紀公

重建

鯉波亭俗名里尾明洪武中建嘉靖十五年修

叩須亭明嘉靖五年建

仰

東亭在長嶺村明嘉靖元年蔡漸論建

九龍亭在九龍山下明成化年間蔡師信倡建

醒心亭在太平驛後磬石作小方塘傍隙地樹榕柏諸木不知歷幾許星霜明崇禎間臬司李

區夜宿驛亭見二人蒼髮修髯向公求救告以傷足驚寤見二柏幾仆加土而培之

錦嶺

亭在驛北明正統六年鄭彥輝等建

集英亭在太平橋南宋慶曆三年洪忠建明正德元

年鄭彥輝重建

溪海會寧亭在太平陂沉橋之下叅伯陳公遷建鄭德清陳文叙薛文源

等重建

藍嶺亭在楓市南明天順中驛丞方剛建

來惠亭在錦嶺明嘉靖中叅政蔡

潮論鄭德清同建

黍稌亭在後洋明成化十一年陳德通建

活水亭在印石傍昔陸

氏池亭也以潮汐爲高下因名宋丞相陸秀夫從帝南渡留一子居楓此其裔也

望海臺

在塔斗山

宋贈南康郡王陳忠順公洪進宅在馬嶺西初陳洪進據漳泉二州有沙門行

云者謂人曰陳氏當有五侯之象去此五年後有戎馬千萬衆前後歌舞入此城喜而不怒泉人聞之疑洪進所管二州何以容五侯當克汀建以自益耳後洪進入朝獻地改鎮徐州文灝通判團練使文顥文項文顯三人並受諸州刺史王師入城作笳鼓爲樂悉如其言

陵墓附

本府

莆田縣附郭

梁陳大府卿鄭露墓在壺山寶勝院東

唐太子詹事林披墓在澄渚祖瀛州刺史元泰父

饒陽太守萬寵墓俱在烏齊山

林九牧墓在興教里鳳林積翠庵後

孝子福唐尉林

攢墓在文賦里潘嶺之原今呼林葬初攢父尊葬此及母沒扶柩合葬孝感天降甘露地爲起

墳攢後依父母葬後世子孫多祔焉

四門助教歐陽詹墓在廣化寺北

御史黃滔墓

在招福寺後

校書郎黃璞墓在延壽里國歡寺後

侍御史陳嶠墓在興教里北平山

之麓

大理寺丞陳嶢墓在西庚

校書郎余鎬墓在壺山翠峯

祕書省正字徐寅

墓在常泰里萬溪上崱山之原

金紫長官方廷範墓在常泰里南芹山下前志載其祖都

督長史琬墓在烏齊山父御史中丞殷符墓在豐田山皆衣冠藏真墓俱在河南

侍御史

王昭桂墓在寶林山

屯田員外郎吳祭墓在黃石鰲峯下

大理評事朱無荀墓在連

江里太湖

宋尙書陳仁璧墓在壺山下坂祖唐清遠令樞父梁進士節度巡官沆同葬此

山

僕射陳靖墓在安樂里新塘孫郎中惟德墓在廣化寺後曾孫通議大夫啟期墓在石

室巖

著作佐郎方議墓在文賦里紫帽山下

朱大夫墓在黃石北辰堂右宋觀察判

官朱高葬其父漢遇異人指示此處後高亦耐焉四世孫默生而神異歿後封侯默與弟妹葬

斯者十有八人墓皆累甃形製相似俗呼十八佳城

太常少卿方嶠墓在興教里楓嶺下

都官郎中方慎從墓在廣化寺佛塲山

侍御史鄭伯玉墓在石泉院後

通議大夫陳

大卞墓在航頭溫泉之北

廣南東路提舉陳中復墓在水蘭常思山

威武軍節度推

官方元案墓在常泰里洋西山

轉運使林積仁墓在靈隱山東岡

侍郎宋裴墓在赤

龍嶺林光朝爲之銘

直祕閣林孝澤墓在五雲寺東北裔孫知縣宣重修

給事中王

晞亮墓在昭福院旁

丞相諡正獻陳俊卿墓在妙寂院前

御史中丞阮沂墓在錦亭

大路之北

狀元黃公度墓在楓蓮塘俗呼狀元山

勅令所刪定官忠義林靈墓在下

林巘潯山叔忠義主客郎冲之衣冠藏在其前

浙東提舉宋藻墓在囊山寺西

叅知

政事諡莊敏龔茂良墓在石馬山

侍郎贈少師黃艾墓在常泰里松嶺下楓林

郎中

徐若晦墓在常泰里景常院後

殿前制幹李富墓在常泰里松嶺下

贈評事方天貺

墓在興教里洪度山

承信郎戴繼先墓在常泰里莒溪東山

祕書省正字方翥墓在

太平山林光朝銘

直徽猷閣林枏墓在華嚴寺後

文安開國男余祖奭墓在壺公翠

頭山

侍郎諡文節林光朝墓在南門外洗塘口僉事林克賢督學邵銳知縣雷應龍相繼

修葺後復圯嘉靖辛卯御史白賁重修郡人侍郎鄒岳記

錄事叅軍孝子郭義重墓在興

教里荻蘆溪徐陵嶺黃仲元撰墓表

著作佐郎劉夙墓在壽溪之上

祕書省正字劉

朔墓在囊山永嘉葉適爲記

知寧鄉縣方壬墓在黃壩

忠義河南少尹阮駿墓在常

泰里洋坑白石山

吏部侍郎劉彌正墓在寶淵之原

經略安撫使宋鈞墓在鄧山洪

咨夔爲記

直寶謨閣方信孺墓在紫帽第三峯劉克莊爲記

左司郎中鄭寅墓在縣

東北吳山

給事中丁伯桂墓在石室巖下劉克莊爲記

進士吳濟院判方萬墓在豐

城里南埭大帽山方巖之原

經略安撫使諡忠惠方大琮墓在文賦里仁山大繩坑劉克

莊爲志銘

直寶謨閣陳宓墓在下余陳巖山

履齋先生方大壯墓在太平山

鈍

齋先生陳鈞墓在常泰里玉澗社之陽

四門助教方天鈞墓在常泰里碧瀨溪西

寶

謨閣待制侍郎林彬之墓在城外西隅劉克莊爲記

狀元叅知政事諡忠惠鄭僑墓在

廣業里龜嶺或云公墓在永福縣教忠寺後右畔此乃其父贈太師宋僖墓也

狀元吳叔

告墓在合浦里笏石山裔孫府尹吳獻台立墓碑

長者李宏墓在興福里石頭巖下

祕閣劉希仁墓在太平山

侍郎趙時願墓在東廂跨鼇山

知府康鼎成墓在仁德里

浮壘山

太常少卿陳煒墓在孝義里西坑劉克莊記

金紫光祿大夫林悅墓在錦亭

前山

獨不懼先生黃績墓在常泰里瀨溪松峯劉克莊爲記

尙書諡文定劉克莊墓

在孝義里鼓樓山洪天錫爲記

直煥章閣宋詡墓在文賦里梅峯山

雍州司法郭邦

文墓在崇福里百寶坑

提舉湖南常平李丑父墓在待賢里爐峯

國子監簿黃仲元

墓在興教里吳車

祕書丞方蒙仲墓在白杜山

興化軍助教方惟深墓在烏石山東

司農卿方演孫墓在北山留坑

權興化軍知軍諡忠武陳瓚衣冠藏在壺公石泉院左姪

文龍不屈於元死杭州世祖勅葬智果寺旁次日墓生刺竹人不能登乃忠義所感

忠義

尙書卓得慶墓在保豐里長基山黃仲元爲記

宗正寺簿余謙一墓在壺公梅花山

編修鄭樵墓在廣業里白沙靈源寺東

樞密副使黃鏞墓在溫陽

元承務郎孝子郭

道卿墓在延壽里澄山頭

宣教郎孝友郭佐卿墓在尊賢里松門俞龍山水磨邊

進

士教授孝子郭廷煒墓在叔佐卿墓南畔

樵谷林璧卿墓在常泰里漁滄溪紅菰山族孫

應州知州友玉墓在左

教諭陳維鼎墓在維新里沈塘白杜嶺曾祖墓在沈塘壘下

明中書舍人林廷綱墓在城西華嚴寺下

知府方徵墓在文賦里雙牌坊橋

知府林

仕敏墓在延壽里洋西山下

御史陳道潛墓在安樂里石牛山

給事中陳繼之衣冠

藏在錦亭萬曆四十年提學馮烜行府給葬

知府陳彥回衣冠藏在錦亭萬曆四十一年

提學馮烜行府給葬

同知林洪墓在文賦里石門

叅政陳觀墓暨弟教諭賢墓在常

泰里松嶺下

教諭贈御史林岳墓在華嚴山子御史祥鳳衣冠藏在右

侍講陳用墓

在錦亭前成化八年巡撫門人張瑄酌其墓刻詩於石云不見元龍百尺樓壺公山下有荒坵

香名在處成陳迹青草頻年喚舊愁後事空將知己托遺文賴有故人收題詩墓道期垂久考

見行藏惜鄧攸

狀元林環墓在常泰里使華陂白石山之原子教諭繼墓亦在焉

庶

吉士楊慈墓在石室巖下

副使林時墓在常泰里使華山

知府王偉墓在壺山西蕉

坑 會元陳中墓在國清里湖頭嶺蝦尾山

教諭黃謨墓在延壽里塘山

御史林

熊墓在南廂野貓壘

提學僉事劉武墓在新興里樟林

探花諡襄敏林文墓在南廂

廣化寺東成化十二年賜葬

庶吉士方熙墓在文賦里仁山

行人方澥墓在寶勝院

側 知府周瑩墓在維新里白杜嶺

員外郎林長清墓在文賦里石門

尙書贈少

傅翁世資墓在連江里小孤嶼成化間賜葬

叅政黃譽墓在常泰里景祥院後

狀元

柯潛墓在安樂里和溫山成化間賜葬父封少卿淳墓在西

尙書贈太保諡康懿陳俊墓

在新興里湯亭洪武二年賜葬

布政使嚴淦墓在常泰里龍橋西

提學僉事林聚墓

在胡公里寶勝院側

同知林思承墓在南廂廣化寺西

布政使吳繹思墓在莆田里

塔山

布政使周瑛墓在胡公里白沙

布政使方守墓在連江里鄭山弘治十七年知

府陳效建

御史林誠墓在南廂寶澗山之原祖員外英父進士贈御史輝墓俱在此

尙書贈少保諡惠安彭韶墓在文賦里新亭弘治九年賜葬萬曆五年巡撫龐尙鵬修理重建

華表

提學僉事黃仲昭墓在文賦里雲峯

侍讀學士吳希賢墓在國清里西蔡山之

原

御史林正墓在莆田里石阜山

國子助教贈主事宋汝勤墓在文賦里雙牌

太常卿陳音墓在延壽里國懽寺西弘治八年賜葬

御史方珪墓在連江里惠洋刺山之

原

僉事黃榮墓在莆田里

提學僉事宋端儀墓在文賦里柯宅山

提學僉事彭

甫墓在國清里祇園

僉事李德美墓在醴泉里嵩山之陽

都御史林元甫墓在文賦

里瀨溪正德壬申賜葬

知府林華墓在國清里祈雨山

尙書贈少保諡貞肅林俊墓

在尊賢里大觀山隆慶元年賜葬

侍郎學士黃瀾墓在惟新里東峯嶺

知府林堪墓